

25/09/1997

SM Teluk Intan johan Piala Perdana Menteri

KUALA LUMPUR, Rabu - Sekolah Menengah (SM) Sains Teluk Intan, Perak muncul johan kategori Bahasa Melayu di Pertandingan Bahas Piala Perdana Menteri 1997 yang berlangsung di Dewan Muktamar, Pusat Islam, di sini, malam ini.

Sementara Sekolah Tun Fatimah, Johor, pula muncul johan kategori Bahasa Inggeris.

SM Sains Teluk Intan diwakili Muhammad Ikram Kamarudin, Dewi Mayang Sari Kamarozaman, Yusaini Yop, Elfian Satria Yaacob dan Irdayati Abdul Air.

Pembahas dari Sekolah Tun Fatimah pula ialah Ida Harniza Johar, Budi Aslinie Md Sabri, Nuridah Sabtu (simpanan), Aniza Yaakob dan Elina Jani (simpanan).

Johan kategori Bahasa Melayu menerima piala sumbangan Perdana Menteri Kedua, Tun Razak Husain manakala kategori Bahasa Inggeris menerima piala sumbangan Perdana Menteri, Datuk Seri Dr Mahathir Mohamad.

Mohd Zainal Badri Mustafar dari SM Sultan Abdul Halim pula dipilih pembahas terbaik kategori Bahasa Melayu, manakala Ida Harniza Johar (Sekolah Tun Fatimah) sebagai pembahas terbaik kategori Bahasa Inggeris. Naib Johan kategori Bahasa Melayu pula disandang SM Sultan Abdul Halim, Jitra, manakala kategori Bahasa Inggeris (Kolej Melayu Kuala Kangsar).

Piala dan sijil disampaikan oleh Timbalan Ketua Pengarah Pendidikan, Mohd Khairuddin Mohd Ashaari yang mewakili Menteri Pendidikan, Datuk Seri Najib Tun Razak.

Sementara itu, Najib dalam ucapan yang disampaikan oleh Mohd Khairuddin, berkata kemahiran berkomunikasi perlu dikuasai golongan pelajar.

Ini kerana, katanya, tanpa kemahiran itu pelajar tidak mampu mencapai kejayaan yang cemerlang walaupun mereka mempunyai ilmu dan pengetahuan yang tinggi.

"Sehubungan itu, pertandingan bahas adalah antara kaedah yang sesuai untuk meningkatkan kemahiran berkomunikasi," katanya.

(END)